

道所度如是

昔羅閱祇國有婆羅門子獨與母居年少長  
大自問其母我父何所奉事欲習其蹤母語  
子言汝父在時一日三反入水自洗浴子言  
父作是何所慚望乎母言恒水遣垢可得神  
通矣子曰不然母謂子汝寧有異見乎子言

若其然者水北居民日駢牛南渡於日再洗  
浴何不得道且水中有魚鱉之屬在水活何  
以復不得道乎母言汝意云何子言唯有如  
來八解之池三昧之水浴此乃無爲耳因報  
母言當詣佛所沐浴神化於是母子至佛所  
佛爲說法子作沙門得羅漢道還爲母說法

### 復得須陀洹道

### 雜譬喻經卷上

寫

乳哺下音步食下口音搏臥寐二反舍也賊師反將也海潛  
下音黃沙潭縱廣上足容反也潭音但也縱廣比日一東西日橫也南乞匱  
善下音愴然上初狀反憚勞上徒旦反勞難也懼也券要上券要正  
音聚反契約也下仰我上魚反欵起許勿反辛索備所

雜譬喻經卷下二

失譯在後漢錄

寫

昔罽賓國中有一比丘廣訓門徒數百餘人  
中有得四禪者得五通者得須陀洹阿羅漢  
者時有安息人到罽賓國見比丘教化如是  
有信樂心為作弟子未久之間成五通行便

形反向心有怖惻下嚮季反心動蝮蛇上芳伏反  
咄咄丁音骨肉以義此云能歎亦云夜衡平上  
高闢昌演反洋溢也羊咩怖懷反懼也剔頭上  
的反荆也訶衍下音演此斤音只弃捐音擗  
兩翅下施智反祠發也滌漂音旱流分之上  
聲慇勞下信盟下音明刻鏤酒聲計于  
斯反量也俠夾正作絞激上古巧反娉正併  
膽敢反斧鑿上音非蟲母明反俱國上曾果  
人挽牽音曉芸若上音云下汝者灰薩匿王上  
國力反波斯匿挑正作掉下觀樓也捕伎音  
此云勝軍匿此云一切智上至  
其倚反一也下藝撲殺上蒲手搏捉也

現神足於衆人前師告之曰汝雖得五通意  
結未解莫現神足以自貢高也便心恚師謂  
師妬伎自念曰當還生地現道德耳即飛到  
本國誼安息王殿前現神足飛來王為作禮  
而問道人是何國人比丘言我王國人誼劉  
賓國學道今所以還欲福土地報所生息王  
大歡喜即長跪曰願道人自從今日常住我  
宮中受我供養比丘便可之王手自供養或  
使夫人及姝女比丘便有欲意向青衣諸臣  
下知之以自於王王逆訶之王所以不信者  
本見其飛來故也未久之間青衣腹大諸臣  
復啓王王以夫人為驗乃知其實即奪法衣  
遣使令去出宮以是道人故不加楚毒比丘  
出行作劫人賊無當前者王不知是前比  
丘也謂募雄士使人生捕將來定是前比丘  
王問曰汝前犯欲謂為誤耳云何復劫人乎  
比丘叩頭曰窮無復餘計故也王曰我本見  
汝神足飛來故不忍加於汝毒今復赦汝勿

渡犯我界中解放令去比丘念日如行客作  
求生活也即自銜有屠家雇使椎牛刺羊  
事事皆為後使打骨迸掉中面壞其眼根無  
所復見不復中使主人遣令其玄於是持一  
破孟頤巷行乞遂成賤人比丘更變其間數  
年師以道眼觀察欲知所在見比丘如此在  
安息市乞時門徒中但學五通不求斷苦者  
五百餘人師告之曰汝等速嚴今當共行省  
往日安息弟子弟子皆喜曰彼道德必大茂  
盛師乃自屈往省皆承神足湏臾以到住於  
其前師呼其名即答師聲言和尚來耶師言  
余故來相省師問曰何緣乃爾弟子具陳本  
末徧說所犯意師語諸弟子得五通非堅固  
道也不可恃怙矣師說是時五百弟子皆得  
六通成應真道彼一弟子慙愧無辭師徒一  
切更還本所

昔有一國豐熟饒人他國欲來取之即興兵  
往國中已知便大發兵十五以上六十已下

盡當征行時有一人為織紮公年向六十其婦端正常輕慢夫主脅每敬難大夫事之脅語婦言今應行被勑自具兵仗及資糧器物影時發遣婦與夫一五升器以用盛糧織紮紵木一枚長丈一尺婦言汝持是行闖無有餘物也設令破是罷失是紵木不復共汝作居家夫便辭去不念當為軍所傷害但畏二物差錯失於婦矣道逢彼兵共鬪軍不如即退紮公恐二物差錯則失婦意衆人皆走唯紮工便舉紵紵着頭上向賊而獨住彼軍見之謂呼勇猛不敢復進却退於是國軍更得整陣并力進戰即大得勝彼軍不如死散略盡王大歡喜當賞有功衆人白王織紮者應與上功王因呼見問其意故汝何緣由獨得却大軍乎對曰實非武士家婦見給從軍二物設當失此二物者婦則委去不成家居是以死歟成二物因之却軍實非勇健所致也王謂諸臣此人本雖畏婦要濟國難當與上

功即拜為臣賜其寶貨宅舍嫁女亞次於王子孫承福世世相繫此世間示現因緣所得佛借以為喻婦與夫五升器丈一尺紵木者譬佛受弟子五戒十善也屬人言堅守二物不毀失者可得與吾共居也此謂持法死死不犯者則得與佛俱昇道堂矣既得當敵却軍復見封賞者譬守戒人現世怨家橫對為之消滅後世受福天堂自然者矣

昔舍衛城中有豪貴梵志財富無數聰識明慧然墮邪見不信善呼謂無益時舍利弗以道眼見念是長者宿有大福得為豪富今但食故不復造新必還三塗當住度之便神足當其座前持鉢而住時梵志方坐欲食見舍利弗甚大瞋恚即推門家撲打盤手已還坐食亦不請坐亦不遣去食竟洗手漱口含一口水吐着舍利弗鉢中言持是去相施時舍利弗言使汝長夜受福無量即還玄長者據恐行訴言使人尋之舍利弗逕還精舍以水

和泥泥佛所經行處自佛言彼憃貪見施一  
口水今用泥佛徑行處彌佛經行其上使彼  
長夜受福無量佛即為經行三昧長者所遣  
伺候者具見如是還自長者佛所棄輪王位  
行作沙門持鉢求食非有貪求也欲度衆生  
故耳具以本末說之長者大悔有不事心舉  
家大小盡詣佛所懺悔謝過愚癡無識彫怒  
重殃佛為受自歸為其說法疑解結除得不  
退轉

昔波利弗國比於餘國取豐熾盛真人神人  
下至不肖九品皆具道德仙經及流俗書亦  
復具足金銀穀帛無物不有佛每稱之為聞

物國時諸外道九十六種咸共議曰佛說國  
無不有當共往求國所無者因此折之令不  
至誠然後吾等必得敬事梵志議曰未聞此  
國有羅刹鬼當故求之必不可得此顯佛證  
道不正矣遍順行市里求欲買鬼皆無有賣  
梵志喜曰謂以得策天帝知之梵志謀計即

便來下化作賈人坐於肆上有如賣物梵志  
順肆次到其前問有鬼賣不天帝言有欲得  
幾頭乎梵志相謂此虛言耳所從得鬼賣而言  
鬼忽有數十頭梵志見之甚大怖懼各各  
心念知佛至誠皆詣佛自歸言波利國雖衆  
物普有其空手往者一物叵得持財貨買無  
物不得借以為喻此是世間示現譬薩若若  
城其中無所不有四等六度三十七品聲聞  
辟支上至如來若有人不修德行於薩若若  
中望有所獲不可得也若奉聖教捨身口意  
譬如貨無形不累矣

昔天竺國有松寺中有四道人皆是六通國  
中有四居士各請一道人長供養之四道人  
各行教化一人至天帝釋所一人至海龍王  
所一人至金翅鳥所一人至人王所於是四  
道人所受供養鉢中之餘還分檀越食之百  
味具足所未曾見各問道人所從得此道人

即各為說本末於是四居士各發一形一人言彰生天帝釋宮一人欲生海中作龍一人欲生金翅鳥中一人欲生人王中作子壽盡皆得往生為四神王同時有念欲入閑齋遍觀靖處唯摩竭王後園寂寢皆到園中各坐樹下慈心奉齋行大思念意一日一夜明旦事訖乃相就語摩竭王曰卿等何人也一人言我是天王一人言我是龍王一人言我是金翅鳥王一人言我是人王四人相見說本末已皆大歡喜天王便言吾等俱齋誰得福多者人王言曰吾之欲近在國外音樂之響乃微聞此能於中專心吾福第一天王曰吾之天上七寶宮殿玉女衆伎衣食自然不復想念遠來全齋福應第一金翅王言吾之所好唯食龍為美甚於五樂今共一處無有惡念大如毛髮吾福第一龍王曰吾之等類是金翅糧供也常恐見食畏怖藏竈今在一處分死全齋吾福第一摩竭王曰吾有智呂名

波陁類吾當請之使令吏義即台已到具語其意波陁類便取青黃白黑四種之繒懸着空中問於四王四色在空各自異不四王日異色灼然矣臣曰繒影在地為異無咎日不同也今之法齋志趣一味譬如地影無若干也今四尊王發大道意精進慈齋得佛之時相亦一等無若干像四王歡喜即得道眼昔有富迦羅越有兩子父得病臨困囑大兒曰汝弟幼小未有所知今以累汝善營濟之勿使飢寒父子悲泣於是遂亡後時婦語其夫曰君弟小長當燒君家所有之物皆當分之曼其未大何不除遣兄始不肯數語不一兄便隨之將弟出城詣深冢間縛着柏樹不忍手殺欲使虎狼惡鬼害之語弟曰汝數犯我使汝在此宿昔思過明日當相迎便捨之玄湏吏日暮鷄鶴狐狸所在嗚呼弟大怖懷無所歸告即仰天歎息曰三界之中寧有慈

仁受自歸乎今日困厄懷怖無量於是如來  
覩彼求救正坐三昧放大光明名曰除冥光  
照眾間即時大明次放一光名曰解縛光至  
兒所縛即緩身不復痛次放一光名曰飽滿  
一切兒見光明即不復飢於是如來尋光詣  
彼使手自解縛而告之曰欲何所趣乎兒白

言彌我作佛脫一切厄如佛今日即發無上  
正真道意佛為說法若干出要逮得不起法  
忍白佛言我兄雖有惡念違孝害我因此得  
見佛斷生死苦欲往報恩佛言善哉宜知是  
時便以神足飛往兄家兄婦見之慙懼無顏  
即語兄曰雖用惡妻之言縛我着塲間因緣  
是事今日得道皆兄恩也為嫂兄說法便得  
須陀洹

昔佛在王舍釋數下供養三尊惟摩訶迦葉  
獨不肯受何以故本彌但欲度貧窮人故於  
是天帝作權方便夫人俱下作貧家公嫗弊  
草屋下時摩訶迦葉入城分衛天帝公嫗迎  
為作禮自說寒貧彌受鹿食迦葉可之送迦  
葉鉢盛滿甘露使形色麗惡其實逾百味方  
舉口香甘非常即三昧觀乃知天帝迦葉言  
卿之福祚巍巍乃尔何以故不厭足耶天帝  
報言三尊福報甚豐無量是以智者未嘗厭  
足也

昔外國有一松寺中恒有衆僧百餘人共於  
中止學有一優婆夷精進明經去寺不遠日  
飯一沙門衆僧自相差次從頭至竟周而復  
始其有往者然彼優婆夷輒後問經義自隱  
學淺者每不喜往有一沙門摩訶盧晚作沙  
門一無所知次應住食行道遲前却不時  
至優婆夷逢見之言此長宿年老行步詳序  
謂是大智慧益用歡喜與作好食畢施高座  
欲令說法道人上座寶無所有知自陳體中  
言人愚無知實苦優婆夷聞是便思惟之愚  
無所知則是十二因緣本是死生不絕致諸  
苦惱是故言甚苦思惟反覆即得須陀洹道

便起開藏室欲取白黎布施道人道人便下座捨去還於精舍優婆夷出不知道人處所為在門中望亦復不見真謂為得道神足飛去也優婆夷便持白黎衣詣精舍求道人道人欲追呼入房閉戶藏其師已得六通見有追者謂有所犯即定意觀知優婆夷得須陀洹道呼摩訶盧命出受施師為說卒末摩訶盧歡喜亦

得須陀洹道

昔有老母唯有一子得病命終載着冢間停屍哀感不能自勝念曰止有一子當以備老而捨我死吾用活為遂不復歸便欲併命一處不飯不食已四五日佛以知見將五百比丘詣冢間老母遙見佛來威神之光奕奕寤醉醒前趣佛作禮却住佛告母何為冢間耶自言世尊唯有一子捨我終亡愛之情切欲共死在一處佛告老母欲令子活不耶母喜寶余世尊佛言索好香火來吾當呪形令子更生重告老母宜得不死冢火於是老母便

行索火見人先問汝家前後頗有死者未答曰言先祖以來皆死過去所問之家辭皆如是已經數十家不敢取火便還佛所白言世尊遍行求火無有不死家是以空還佛告老母天地開闢以來無生不終之者生者求活亦復可喜母何迷索隨子死意便解悟識無常理佛因爲廣說法要老母即得須陀洹道冢間觀者無數千人皆發無上正真道意

昔王舍城中人民多豐饒九品異居不相雜錯別有一億里有一億財者便入中居時有居士視欲居中便行治生苦身節用廣諸方計數十年中九十万數未滿一億得病甚萬

自知不濟有一子年七八歲囑語其妻曰吾子長大付與財物令廣治生使足滿一億必居其中全吾生存之願矣言竟終云喪送事畢母將子入示其寶物父有遺教須汝長大具一千万足滿一億居億里中子報母言何必須大便可付我早共居之母即付之於是

童子以財物珍寶供養三尊施與貧乏者半

年之中財物盡了其母愁惱恠子所作童子

未幾身得重病遂便喪亡其母既失財子又

幼喪憂愁歎惜其中有最富者八十居而無

子性於是童子往生其家爲第一婦作子滿

十月生端正聰明自識宿命母自抱乳確不

肯食青衣抱養亦復如是兒前母聞生子如

是偶往看省見便愛之即抱嗚嚦開口求食

者大喜重雇其價使養護子長者便與夫人

議曰吾少子性他人抱養不肯飲食此婦抱

撮兒輒歡喜吾今欲往迎取以爲小妻令養

視吾子爲可尔不夫人聽之便以禮娉迎來

別作屋宅分財給與無所乏短兒便語母爲

相識不母大怖懼而言不相識兒白母言我

是母之前子取母九十万分用布施今共來

作十八億主不勞力而食福爲何如耶母聞

是言且悲且喜其兒長大化一億里爲摩訶

衍道故謂正使億千出之一邑里能爲空蛤

諸施以道菩薩所入如是

昔外國有人多種白絮草若過時不取失色

不好至時大雇客晨夜兼功略不得息主人

以作人勤苦大爲作好肉羹故飯時羹熟

香氣四聞有一老鷄當其上飛爪觸糞正墮

着羹中厨士見之即欲斷取即消散盡厨人

念曰欲更作羹時節已晚欲持食人中有不

淨計此少糞不足敗味猶可食人但自當不

歟耳客皆來坐列飯酙羹客作旣食厨人且

飢不食其羹客呼厨士人取好肉以取之厨士

知不淨恐失人意強咽吞之不以為味也佛

借以為喻三界衆生脫羨色欲莫覩不淨展

轉惑沉猶於飢夫食羨羹者菩薩大士入生死教現受色具了不淨不甘不樂若厨士強

食其肉吞而咽之不味者矣

昔者阿難入城分衛時蠱道家女出行汲水

見阿難端正有欵意向還語母言外有瞿曇

弟子爲我致之母便召所奉鬼使感阿難不

覺忽到其家時蠱道母語阿難曰今以女相施不復得去也阿難報我不隨其語蠱母作一大坑謂阿難言寧就火焚寧就我女阿難恐怖一心佛即伸手遙摩阿難頭蠱道家鬼見佛手在空中來威神無量皆奔走過撥蠱母着火坑中身體焦爛既且然得濟阿難即時得還佛所後時蠱道母還召鬼神而責數汝等不能轉瞿曇弟子使惑何因推我着大坑中鬼神答曰吾昔與波旬合八十億衆詣貝多羅樹欲壞菩薩菩薩以手指地其手纖長合缦掌內外握千輻輪威神無量八十億衆皆顛倒墮不得復形今復伸來趣吾等實迮怖是以散走不當住也我等鬼神自常儀若行中人不中便自害想亦久知何所責吾蠱道母乃知佛為尊即三自歸得須陀洹道

上是山頭東西遊戲不亦樂乎時一猕猴便上頭徑下沒水底衆猕猴見恠久不出謂沫山中快樂無極是以不來皆競踊跳入沫聚沫山者五陰身也猕猴者人識神也不知五陰無所有愛欲癡者從是沒生死海莫有出期故維摩詰言是身如聚沫澡浴強忍昔長者須達七貧後貧最劇乃無一錢後糞壤中得一木斗其實旃檀出市賣之得米四升語婦曰併炊一升吾當索菜茹還時佛念日當度須達令福更生炊米方熟舍利弗往婦見歡喜一升米飯悉投着鉢中更炊一升方熟目連復往亦歡喜與之復炊一升迦葉復往亦復與之適有一升尋復炊熟如來自往婦自念言聞日乏糧莫有餘者今有是米如來躬願得無罪畢福將欲生者持一升米飯盡施如來佛口呪形罪滅福生從今日始須達尋歸婦恐其恚便問曰汝誤佛來及舍

利弗目連迦葉盡來求食家中所有米當與  
不耶日當與福田難遭若來求者是為值遇  
婦言向四升米吾盡用矣夫大歡喜餘有飯  
汁公姬共飲之湏臾彷佯諸室珍寶倉穀疋  
帛自然實滿如往時富也湏達踊躍知佛愍  
念更請佛及僧供養盡空佛為說法皆得道迹

昔有長者子新迎婦甚相愛敬夫語婦言卿  
入厨中取蒲桃酒來共飲之婦往開甕自見  
身影在此甕中謂更有女人大恚還語夫言  
汝自有婦藏着甕中復迎我為夫自入厨視  
之開甕見己身影遂恚甚婦謂藏男子二人  
更相忿恚各自呼為實有一梵志與此長者子  
素情親厚過與相見夫婦鬪問其所由復往  
視之亦見身影恚恨長者自有親厚藏甕中  
而佯共鬪乎便即捨去復有一比丘尼長者  
所奉聞其所詳如是便往視甕中有比丘尼  
亦恚捨去須臾有道人亦往視之知為是影  
耳喟然歎曰世人愚惑以空為實也呼婦共

入視之道人曰吾當為汝出甕中人取一大  
石打壞甕酒盡了無所有二人意解知定身  
影各懷慚愧比丘為說諸要法言夫婦共得  
阿惟越致佛以為喻見影鬪者譬三界人不  
識五陰四大苦空身三毒生死不絕佛說是  
時無數千人皆飛得無身之史也

佛在世時有大富家食口六人奴婢金銀珍  
寶不可稱數佛與阿難街里分衛過宿因緣  
家佛到其門父母兒子妻子妻婦孫息踊躍歡喜  
請佛入坐室中但氍毹布施食器皆以金銀  
琉璃阿難長跪白佛此人本有何功德自致  
大富佛語阿難此人上世時值飢餓之世家  
中貧窮草木枯旱唯詣水邊採取用係命作  
羹適熟外有道人分衛出見沙門父母便言  
以我分與之兒子孫息各自以分讓父母令  
食六人一時發意各奉一日食唯恨家貧無  
以上道人者緣此之福得生天上人中常得  
安隱豐饒財物以其發心同等故世世共作

因緣今重相值父母兒子大小一時悉受五戒命終即生天上受福無量

昔者有三人各爾貧窮但行賣糰為業時四月八日衆比丘於寺中灌佛像釋迦文佛時亦在其中作維那三人過寺前聞今日灌像便入視之三人各共發意等持一錢着像前

各期心願一人言使我後世饒財寶莫復令值此貧命終得在大富家生唯有一子年過長大作佛弟子常生天上人中一人言使我知作師主治一切人病使我大得物命盡生耆域家曉知醫方治病莫不愈者亦復生天上人中恒大富樂一人言使我後世長壽莫令短命後生二十四天上壽六十劫佛言余三人各有一願世得福無量令此三人皆為我作弟子得阿羅漢道

世間人入海採寶有七難一者四面大風雨時起吹船令顛倒二者船中欲壞而漏三者人欲墮水死乃得上岸四者二龍上岸欲噉

之五者得平地三毒蛇遂欲噉六者地有熱沙走行其上爛人腳七者仰視不見日月常冥不知東西甚大難也佛告諸弟子汝曹亦有此七事一者四面大風起謂生老病死二者六情所受無限譬艤漏四者墮水欲死謂為魔所得四者二龍上岸噉者謂日月食命脫

### 雜譬喻經卷下

寫

織紮下音牒正綺木上正作杼音并力字上併撾打反竹瓜擊漱口洗也訴言上肯也逕舊作經不肖下音笑匡足可及靖靜素告竄下鹿笄也縉自陵反灼然上音嬈音逃曼其上莫官鷗鷗音緣下音闘禽之類也狐狸上胡下力緩玄伴反公嫗下糴句反弊草上祭反

雜譬言喻經卷下

寫